



رَحَلْنَا نَحْنُ، وَبَقِيَتُمْ أَنْتُمْ

جيسي الحاج

مع الجروح النفسية بشكل مناسب ويصير المجتمع قادر يعيش بسلام بعد ما كان كل واقعه عبارة عن عنف واضطرابات. النهاية الحقيقية يعني «محاسبة». خلقت بعد سنين من إنتهاء الحرب، ولا مرة اضطررت أهرب من ملجأ لملجأ، أو ودّع خيبي كأنه ما رح إرجع شوفه مرة تاني، أو حتى أخزق بطاقة انتمائي السياسي وأبلعها ع شي حاجز، بسّ عطول كنت عم عيش مع صدى هالأمر. كبرت عم بسمع جمل متل «بأيام الحرب» بصوت شبه مخطوف، وعطول هيك بجمل مش كاملة. أهلي، عيلتي، أساتذتي... كلن لّمّا كانوا يحكوا عنها، كانوا يحكوا بنفس الطريقة، شي عاشوه بسّ ما قدروا يشفوا منه أو يتخطّوه. أول ما يبلشوا يحكوا، دغري يرجعوا يسكتوا، وهيدا الصمت كان أقوى من أي قذيفة. هلاً هني عطول كانوا عم يخبرونا عن الحرب، بسّ مش بالطريقة اللّي منتخايلها. تخيلوا إجا حدا خبركن قصة، خبركن عن البطل وخبركن عن الشّرير، وصار يحكي عن أحداث وأحداث. بسّ فجأة، إجا حدا وحرّق ورقة النهاية، بطل في نهاية وبطل في جواب لأسئلتك، بقي بسّ الفراغ. شي مزعج صح؟ إي هيدا شعورنا نحنا يلي خلقنا بعد الحرب. عم نعيش على أنقاض سردية ما انكبت حتى، لأن بكل بساطة، بعد اتفاق الطائف، إختصر السّلام بكلمة وحدة: «عفا الله عمّا مضى»، وهو لا الله عفا، ولا الماضي مضى.

قصة حزينة ومؤلمة ما في إلها نهاية وما إلها جواب. والمؤلفين؟ عادي، بعدهن عايشين حياتن

صار وقت إنّي أكتب، بسّ كنت كل الوقت عم فكر بأيّ لغة لازم أكتب. عربي؟ فرنسي؟ أو إنجليزي؟ ما بعرف! لأنّ بيهك بلد، حتى اختيار اللّغة اللّي بدي عبّر فيها عن أفكاري بصير مش بسّ خيار ثقافي، إنّما خيار سياسي كمان. بسّ في شي جواتي كان عم يقلّي «اكتبي بلغتك الأم»، اللّغة اللّي بتشبهك وتتشبهن. يمكن اللّغة هي الشي الوحيد اللّي بعده بيجمعنا، بسّ كمان مش كتير مأكدة. فما بعرف، خلينا نبلش من هون، بركي بنهاية هالمقال منلاقي إذا اللّغة بتجمعنا، أو اللّي بيجمعنا شي أعمق. هلاً صار فينا نبلش!

انتهت الحرب اللّبانية بالألف وتسعمية وتسعين (1990)، صار في وقف إطلاق نار، الدبابات انسحبت من الشوارع، والناس تخطّت كل شي صار بهل خمستعشر (15) سنة، أو عالقيلة، هيك خبرونا. بسّ بالنسبة إلنا، جيل ما بعد الحرب، الجيل اللّي ما عاش الخطف والقتل عالهوية بسّ عطول حسّ بوجودهن، الحرب ما انتهت، بسّ تغيّر شكلها. تسلّلت على لغتنا، تسلّلت على مخاوفنا، تسلّلت على زوايا بيوتنا. ورتنا جروح عميقة كتير، بسّ ولا مرة شفناها عم تنزّف. غريب هالشعور، هني انخطفوا، ونحن اللّي ضعنا، هني انصابوا ونحن اللّي نزفنا، هني عاشوا، ونحن اللّي متنا. شفتوا كل شي عم بوصفه؟ هيدا هو شعور إنو نعيش من دون نهاية حقيقية.

النهاية الحقيقية بعد الحرب هو إنو يتم التعامل





من أرشيف «أم»

بيدقنوها. الشّي اللي صار بعد انتهاء الحرب هو سلام هسّ، قائم بسّ على وقف إطلاق نار، لا على المصالحة ولا على الإعراف ولا على المواجهة.

اجتماعيّا، انقسّمنا أكثر. كل طائفة كتبت روايتها الخاصة عن الحرب، وبيتنا بطل يشبه بيت الجيران. صرنا مجتمع عم يعيش سلام هسّ، سلمي، وخالي من المصالحة الحقيقية. لا تصالحنا مع الماضي ولا واجهناه، كرمال هيك، بقي فينا خوفنا من الآخر وانعدام الثقة وصارت الطوائف تبني جدران وهمية. لك حتى سكوتنا مش سلام، قبلة موقوتة ما منعرف أيّ ساعة بتنفجر. الطائفية السياسيّة صارت هي السّمة الرئيسيّة للنظام، بدل ما تكون العدالة الانتقالية أداة لبناء الدولة على أسس مدنيّة. والطوايف بدل ما تتقارب، زاد تمسّكها بنفوذها وصارت الإنقسامات الطائفية أكثر. النتيجة كانت إنو السياسة اللبنانيّة إنبتت على المصالح الطائفية مش على المصلحة الوطنية، وبالتالي افتقرنا لهوية وطنيّة موحّدة.

أما على الصعيد الاقتصادي، ساهم غياب المحاسبة بتعميق الفجوة بين الطبقات الاجتماعية لأن النظام السياسي اللّي نشأ بعد الحرب كان يفتقر

بيناتنا، عم يكتبوا كتاب تاريخ جديد، ونحننا بقينا علقانين بالصّفحة اللّي احترقت، عم نفتش عنّها مش موجودة. والمؤلّم أكثر هو غياب ذاكرة جماعية نتذكّر من خلالها. كل طائفة عم تقرّ بالكتاب تبّعها، وكل ضحية عندها شريرتها، بسّ عطول ما في نهاية. تاريخنا كله مجزأ ومشتت على أسس طائفية. كان بدنا بسّ رواية موحّدة وحقيقة مشتركة نحزن عليها أو نشفى منها، و للأسف هويتنا كلبنايين صارت متل هالتاريخ، مجزأ ومش مفهوم.

المشكلة أنّه ما صار في اعتراف. لا سمّينا الضحايا ولا سمّينا اللّي قتلوهن. ليش ما عملنا عدالة انتقالية؟؟ ليش ما صار في محكمة؟؟ كيف يعني اللّي عملوا الحرب شلّحو تياب الميليشيات، لبسوا البدلات، وصاروا زعما وحكام دولة؟؟ لك هيدي مكافأة علنية. وعادي، إللي راحوا، خلّص، راحوا، وبقيا بسّ صورة على شي حيط بيت، إم انكسر قلبها وانتهت حياتها بعد ما انتهت حياتن.

وهيدي إحدى نتائج غياب المحاسبة: إعادة إنتاج أمرا الحرب كأبطال وطن. كيف معقول الضحية تحترم قاتلها لما يصير بموقع سلطة؟ كيف بدو يبنّي ثقة مع نظام ما اعتذر أصلاً عن كل شي عمله، لأ وطلب منا نسكت كمان.

خلينا نحكي شوّي أكثر عن نتائج غياب المحاسبة بعد الحرب، وكيف أدّى هيدا الغياب لجعل لبنان يعيش بسلام سلمي بعيداً عن الوحدة الحقيقية والإصلاحات المنشودة.

غياب العدالة خلّا ذاكرة الحرب ملك للسياسيين، بحرّكوها وقت ما بدّون، ووقت تصير خطر عليهن،





للآليات اللازمة لإعادة بناء الإقتصاد اللبناني بشكل سليم. يعني بدل ما يصير في استثمار بمشاريع تنموية على أسس عادلة، راحت أغلبية الموارد المالية لجيوب السياسيين، وهيك، استمرت كمان سياسة المحسوبية، الشي اللّي أدّى لتفاقم الفقر والبطالة. أمّا عن قطاع الخدمات العامّة، فحدّث ولا حرّج. تدهورت بشكل كثير ملحوظ بسبب الفساد والمحسوبيات اللّي هيمن على هالقطاعات، فصار الإستثمار بهيدي الخدمات أقل أهمية من المحافظة على شبكة العلاقات السياسية اللّي يتضمن بقاء الفاسدين بالسلطة.

أما علينا نحنا الشباب، فغياب المحاسبة خلّق عنا فجوة كبيرة. برجح بقول نحنا ما عشنا الحرب بطريقة مباشرة، بسّ كبرنا ببلد ما كان يخبرنا الحقيقة، ما سمعنا اعتراف وما شفنا عدالة. كيف يعني هيدا مش منّا ونحننا مش منن؟؟ ليش مين هني ومين نحنا؟ هيك؟ بهالسهولة يعني؟ أغلب الشباب بدل ما يربوا على شعور بالانتماء لوطن موحد، تربوا على انقسامات طائفية وخطابات سياسية. طيب كيف بدن يؤمنوا بدولة إذا الزعما نفسهن شاركوا بخرابها؟ كيف بدن يتخيّلوا المستقبل إذا الماضي اللّي هو ماضي بعدو مجهول؟ هيدا الشي زرع عنا جوّ عام من فقدان الثقة بالنظام وبالمؤسسات وبالمستقبل ككل. صرنا شايفين لبنان بلد مش قادر يعطينا أمل وصار الحلم عند كتار الهجرة، مش التغيير، لأن ببساطة شو بدنا نغيّر بنظام لا حاسب ولا اعترف؟

بغضب أوقات... بحقد... عشي ما بعرف شو هوّي، بوقف هيك وبطلع فيهن. نفس الوجوه، إنو نفس

نحننا جيل ما بعد الحرب، ولاد الصمت، ما عنا رواية، وما منعرف الحقيقة. كل شي منعرفه انه انتهت الحرب بلا ما تنتهي. سكّنت البواريد، بسّ الأصوات اللّي شعلتها ضلّت عم بتصرّخ. حسّسونا إنو الماضي عيب لازم نخبيّه، مش إنو جرح لازم نداويه. محكومين من نفس الوجوه اللّي تقاتلت، تصالحت، وتقاسمت الوطن. صاروا رجال «دولة» وهني اللّي دمروها أصلاً. قعدوا على كراسي حكم كان لازم تكون منصات محاسبة. حاملين أعباء الماضي بيوميّاتنا، بالوظيفة اللّي مش كافيتنا، بطوابير البنزين، بإنهيار الليرة، بنظام طائفي ما تحاكم لأنو كرس ليبقى. هويتنا مشوشة، مش عارفين فيها إذا كنا مواطنين أو أتباع. مننظر للبنان كحلم، بسّ حلم مأجل، كاحتمال لدليل براءة رغم كل الدلائل اللّي بتثبت الجرم، منشكك، منعصب، منساير، منرجع منسكت، لأن تعودنا نسكت.

انتهت الحرب، بسّ إنتو ما رحلتوا. كنت أظن أنّ النهاية اللّي لم تكتب بعد، ستكون برحيلكم، لكنكم نجوتمتم. فرحنا نحن، وبقيتم أنتم.

